



明詩平論 二集卷十六

七律 四

文震亨	五首	王騫	二首	林雲鳳	二首	劉錫名	二首	管珍	一首	胡梅	二首	周惟正	一首	釋自高	二首	黃翼聖	二首	章美	一首	徐沂	三首	李模	一首	卜遠	三首	周之輿	二首
-----	----	----	----	-----	----	-----	----	----	----	----	----	-----	----	-----	----	-----	----	----	----	----	----	----	----	----	----	-----	----

蔡維寧	三首	沈顯	二首	徐波	八首	顧疑遠	一首	劉廣	一首	龔端	一首	陳宗之	三首	黃承聖	一首	楊廷樞	二首	陸坦	一首	項煜	三首	劉曙	一首	徐籀	一首	許元溥	一首
-----	----	----	----	----	----	-----	----	----	----	----	----	-----	----	-----	----	-----	----	----	----	----	----	----	----	----	----	-----	----



張澤四首
薛宗廉二首
姚宗昌一首
徐案一首
戴之傑一首
殷衡一首
徐枋一首
杭蕢一首
郭陶一首
許納陞四首

姚宗典一首
邵彌一首
朱袞二首
錢位坤五首
周訥四首
葉襄一首
徐增一首
林曙一首
朱陵三首
李恒估六首

文震亨

○歲晏述懷

尚存如歎半殘身。虛室能窺必鬼神。酸鼻總爲齷冷事。
腐腸還是骨銷人。寒燈短焰剛三尺。古廟深棲已十旬。

忽憶妻孥真有日。牛衣不得共沾襟。

○將之南中答鄒彥吉先生見約

魚書相隔已經年。月榭雲廊想像間。樓閣七層欄楯內。
笙歌一曲鬢陀前。摩尼在握名如意。沆瀣爲餐比自腴。
天福豈容凡骨受。擔簦聊假片時緣。

○京口晤甥卽事

二首

將母詞臣奉母歸。舟車何地不庭闈。天倫此際真稱樂。
人子如斯願豈違。潘令有輿終下吏。老萊能舞只初衣。
時人自愛青藜火。尺五天邊日更輝。

○又

未殘燈下語難明。漸到中宵始失聲。井里有人幾累姊。
渭陽能念遠煩甥。身于瀕歿方為寄。事到謀生總未成。
我至于留須信宿。此歸原不是王程。

苦樂情事種種關心吟之總堪墮淚

○倦遊十首乙丑夏日自維揚歸寄兄其四

倒屣誰非具主賓。謝宣明面究難親。何當紫橐函中客。
與較青油幕下身。兩卷檀弓言物始。一編周易味同人。
翹翹車乘真堪畏。九折途今不可遵。

附句 迴環往日無聊事斟酌明年欲著書
草花入夏方爭長筍蕨辭春已不肥 蛾眉解
妬猶知已魚腹能通必謗書 懷土僮亡廿負
約移家交絕不煩書 萬錢入筴誇新蕨六甲
行厨饌 晚松

蔡維寧

舟歸

百錢買得釣魚舟。篷席當風雨不愁。眇眇帶山行入
暮。刁刁隨葉下殘秋。桔槔倚壁生蔬遍。童子眠籬種豆
休。聞道楚江猶閉糶。酸心數米過冬頭。

月夕湖上送顧太史歸舟

一風徐動早涼天，碧化前山數點烟。
仙路不離花露上，浮樽多倚藥洲邊。
魚龍抱月眠秋水，麋鹿看人飲夜泉。
坐釣未能拘禮法，長將筆墨侍魚船。

○拉僧彌入洞庭詩以報王克仲張興公朱九章

山烟引雨接帆斜，幾處樵歌水上家。
野老負秋收木實，漁蠻呼酒下蘋花。
隣居共喜分紅葉，雞犬無驕吹白沙。
勸向西風謝城市，一瓶相餉紫萸芽。

王 騫

○徐天子從支硎歸知朱云子閉戶選詩賦寄

春深猶見艸痕枯，人在它山夢與俱。
天祿路荒傳禁火，石田秋改更開租。
衡詩一字珍千載，看月平分隔五湖。
想到故宮棲鶴處，山中應許酒同沽。

○枯窓積雨遙望郡城如隔越蜀志感

爲驅酷暑一方焦，雞雉城雲帶雨遙。
峽水三分經灩澦，故人千里隔黃椒。
新翻博局嫌孤注，舊聽琵琶悞六么。
惆悵客程沽酒處，敗殘陳句落空瓢。

雙鳧述作最多老貧特甚茲僅
一時偶寄非其全也以俟三集

沈 顥

○山中梅興十二首

山半日斜花影長。棘籬藤柵寬。為梁捲簾共爾千峰冷。
隔浦何人一笛長。孤嶼雪高三面水。老人風打半頭霜。
似絕不說梅狀而梅在其中妙處不傳寺南訪得前朝樹。半壓牛宮半補牆。

○又

曲場斜扉引白沙。此身和鶴許浮家。木霜籬落少啼鳥。
烟水屋梁純浸花。獨抱長鑱選枝苦。恰逢老壑生雲遮。
峭寒月落不歸去。樵燈炤見棲林鷗。

後四句拘體前四句尚是趙嘏許渾輩順調宜改就一格似合

林雲鳳

○茶中梅

掃雪烹來興未孤。試寒凍蕊入磁壺。芳名只合先攀弟。
清味寧甘下酪奴。蟹目漸生香魄墮。魚鱗初起玉魂扶。
不知妃子朝酣後。還向枝頭吸露無。

○水墨梅

羅浮別久却忘歸。一抹玄烟見者稀。蠅翅不從屏上落。
龍香只傍樹頭飛。冰肌點漆元無染。鐵面凌霜故有威。

舊侶山中如問訊，素衣今已化緇衣。

徐波

○月下與商孟和尋陳古白于鐵佛山房

月中坦步似乘虛，忽憶幽人靜嘿居。
燈火叩門通款款，衣冠隱几出徐徐。
向衰有幾相逢地，少賤空多未讀書。
低徊天與浮名宜漸棄，亂離持此欲焉如。

○虎丘焙茶畢送楚使入舟

新水臨當遣信日，輕寒再值焙茶天。
淹留瓦屋連朝雨，搖颺茆亭一縷烟。
相送挈瓶離野寺，遙憐滌器望歸船。

似憑微力持香色，想到開時必法狀。

○送陳克抑往南海禮補陀大士

壯海搖天人境盡，始令儒者悟虛空。
淹留細雨春帆重，清淨行舟好夢同。
絕島君臣依墨點，平波枕席過鮫宮。
竟須携却聞根往，好聽潮音夜月中。

○元夕後一日顧青霞席上送劉石君遊楚

餘寒窮巷不堪棲，薄宦輕舟得見携。
兩袖涕洟辭木主，故園風雨付荆妻。
別時更值春燈散，到處相隨芳艸齊。
自古楚天詞賦滿，瞻途弗及使人迷。

○送鄭元韋明府入覲

維舟衰柳月剛彎，畏向清尊照別顏。
灘影紛紛蘆載雪，河聲咽咽岸如山。
歲逢霜儉呈圖去，縣值春和帶譜還。
知對西風念寒士，車中有夢到松關。

○項水心太史遷城外紫芝山堂是從兄問卿故居
近水高門復有人，現前嚴飾事從新。
松蘿靜者宜爲主，魚鳥歡欣不失親。
名宅衣冠來補處，諸天宮殿羨隨身。
當年結構無遺力，縛帚呼童但掃塵。

○卜築古鄆之秋香山寄懷鄭明府

飛舞亂峰臨斷岸，翠微遙視小茅齋。
網魚出水朝城市，送客開門月滿街。
辭世未能聊且避，報恩不易但知懷。

名句堪時時吟諷

君應嘆我音書濶，屬興冥鴻久望崖。

○居易寒碧同宿中峰古院時石殿新成

空門久矣自知津，捫摸苔碑意已親。
廣殿孤燈形贈影，寒宵獨樹鳥依人。
有心鍼芥如相覓，求福香花又一新。
試蹴同牀諸淨侶，各言清夢在明晨。

劉錫名

○送賓客入朝補官刺史

綠到無加春自歸。名鸞聲爲餞緩離悲。半生水操幾相
困。五馬銅符勉救饑。名子陽城君有子。于私定國語忘
私。弟兄贈別安卑論。娛老難輕三逕資。

○甲戌夏家大和尚從大梁披剃歸六月十二值其
六十有一誕辰同宜兄介弟率諸子姪叩關團

圖竟日紀之以詩

行藏如此恐驚人。匿影松筠喜自珍。甲子一周僧臘始
君親餘力法王身。鄭重貼切回頭噩夢惟長嘯。假手清資就
遠。因此日祝言難著語長教無著伴天親。

顧凝遠

○小築

華堂清晏不嬰情。老去尤于艸木親。安頓矮墻几當榻
卷舒麤帛枕兼衲。多留壁孔容殘幘。淺斲簷牙讓角巾。
自縛叢生巖下竹。莫教蛛網上承塵。

管珍

○初夏李灌谿携杖頭過石湖園邀予同起頑文虎
爲竟日談主人鄭逢奇索顧石林做米顛之筆
更酌盡醉

宛似王^摩維宅。朝川萍浮飛絮亂。荷錢十年芳草西隄。
路。四月新秧北郭田。地主味同官况久。鄉盟緣爲道情。
聯。偶觀雙陸悲孤唱。借筆吟成芍藥篇。

劉廣

○贈傅將軍領任粵西

頻年臥甲領南方。等擁樓船靖粵荒。人度蒼梧隨雁斷。
天標銅柱見鷹揚。白衣並許談勾漏。赤羽無勞發夜郎。
方略一圖應撤警。金城飛將近西羌。

胡梅

○初寓霞中社東周侍御綿貞陳明府元明

暖雲如水近溶溶。故國冰膠逼暮冬。鳧舄豸冠新地主。
牛宮魚舍舊村農。詞壇暫借焚香坐。天柱頻思曳柱從。
最愛庭中雙桂樹。花開香亂隔坡松。

○雨中過拂水訪孟芳不值同夢父次壁間韻

攜得枯禪欲覓親。松高最稱阮家貧。煙扉揜映如深谷。
水店參差若比隣。君出聽泉非避客。我來冒雨不逢人。

淡事明朝相對俱相笑。索醉床頭酒數巡。
真語

龔端

○ 楚居

似斗如窠結構圓。桑樞囊牖近天狀。聊圖潔穩容雙膝。亦藉高寒聳一肩。滌硯沼邊霞片片。煮茶鑪畔月娟娟。司花玉女初傳信。香薦瓶梅在几筵。

周惟正

○ 鬱洲島

徐市三山須便風。鬱洲十里借潮通。自疑骨濁仙無藥。誰得心空佛有宮。溟漲極天灘外碧。櫻桃千石磊中紅。不知汗漫何時已。且說曾遊過海東。

附句 哀趙凡夫經從未譯音文悟字取初生
點畫裁 蘆庵詩汀月照秋茶坐坐江風吹雨
楊移移 望海樓幻市不生疑蜃成朝曦先發
待雞啼 鴛湖艸柔細動含烟堞柳膩新迷閣
樓雨

陳宗之

○ 咏史

邗溝營罷又汾陽。板帳行城徧四方。院內剪花居命婦。牙前嗅草拜名王。宮帷四十椒塗接。殿脚三千錦纜長。敗國只因一字錯。迷樓樓上捉迷藏。

○ 又

西築金河復紫阿。旌旗百萬擁瑯戈。鷹師總向東京集。
龍種空傳海國多。六合板城隨動轉。千人大帳醉婆娑。
三征韎韐成何事。恨殺當年浪歎歌。

○秋坐楊姬齋

畫闌雲碧土花香。朱几薰籠對夕陽。齒茗翠筒新酒釀。
甃磚類也當葡萄縹帙小書牀。雪梨吹繭銀刀劈月餅。
易甃盎等字綾玉筋嘗點綴秋姿却團扇。一箇明月印流黃。

附句 鱗鼻鮮香函自啓。蛤蜊湯熟酒初醒。
黃菊蟻香千日酒。碧雲蟬老百城書。
看雨後
山色半壁寶青連。雨脚一絃酣紫蕩。虹腥夜
火吹燈蘆婦語。曉霜剡井橘奴攢。鐵榼凍瓶

釋自肩

○寒食後一日顓愚老師赴齋入寺雨宿小閣

寒食才過不禁烟。剪蔬烹雨致高賢。兼葭古寺披襟日。
冰雪層崖入道年。湘嶽燕臺誰是住。繖居舟宿別爲天。
今宵孤閣看魏坐。深媿東南骨力綿。

名宿坐苔裳荒幔女郎詞 水鳥隨僧證伴宿
楓人化羽月中歸 破壁冷瓶蜂作室 奚囊佳
句盡成糧 蕙帳枕烟期鶴徑 竹窗懸火捕魚
庵 蜜因洞古零膏乳鳥幸巢深長画籠 吳
堤純扇花干舫海國蒲團竹一丘 瓊燈佛坐
梅花場紙慢僧寮水月城 護花絳几添新幕
辨草牙籤較舊書 曬日衲
頭收貯篋折風巾角倒彈棋

○雙徑參雪嶠大師

秋氣蒼茫徑乍升，遙通天目見陵嶂。百千萬仞窺其頂，八十餘傳到此燈。睡虎未醒岡月墮，凍狸初語竹烟蒸。欲探師道何從入，一幅溪聲捲剡藤。

附中句

珠螢南浦黃蒸艾，脾蜜東陵綠破瓜。

桐江月落忘天下，戰國書成應帝王。吳頭

楚尾人何約，菊冷香殘夜可憐。劃翠來山開

法社鑄金島，佛立精藍。法超忍土三千界，社

擬匡山十八賢。非因客過門方掩，偶欲尋書

鶴已還。得月板橋偏寂寂，待人湖水自汪汪。

月上清絃鳴水嶼，茶深寒菊倚秋燈。起句

臥膝沈槍躍馬來，春風細柳一齊開。六朝

梅下雪痕新，清絕林宗折角巾。故

低此壑受諸峰，四谿軒憲面面容。

黃承聖

○輓王德操

年來詩侶漸凋零，胡不天教慙老成。骨帶烟霞冲舉易，心持梵課夢魂清。論交身後情方見，托子生前累亦輕。鶴怨猿驚空總帳，獨留雙檜月中橫。

黃翼聖

○舟行望燕子磯弘濟寺

孤峰秀絕大江東，聖祖經營在眼中。古堞繞山千雉日，戍舟橫浦一旗風。鶴盤青嶂初投樹，蜃吐丹樓半倚空。

心戀勝區游未得，始知今日是從公。

○吳志衍初蒞成都留飲官署

聲望如君第一儔，暫教領袖蜀諸侯。文心似錦江初濯，膏雨隨車峽共流。紅葉飽看江岸樹，黃柑剛薦益城秋。燈前滿耳親知話，不信三年有旅愁。

楊廷樞

○焯兒就塾詩以勗之

七齡學禮未云遲，琢玉磨礪擇汝師。未有青箱傳虎父，且令黃口效牛醫。執經自此親函丈，垂帶于今戒佩觿。

門第莫矜王謝好，聿修爾祖是佳兒。

○又

年雖髫髻女稱兄，爲學須修令器名。七步裁雲憎識薄，雙瞳剪水賤膚清。方圓動靜棋中出，艮巽坤乾沙上明。休使山濤漫相識，寧馨徒自誤蒼生。

章美

○哭許玉重先生

挽天無手淚如濤，草莽猶能壯本朝。二字君臣應獨識，一時生歿竟誰高。風號王蠋堦前樹，血染靈均指上騷。

不是西山被蕨盡。可堪天下共滔滔。

陸坦

○和文彥可先生送佛詩

寶樹金軀現。幻工輦來花窟法。雲同天衣拂石。雙童舞香杖。成林四鶴通。光出松杉歸。紺殿夜聽風。雨閉龍宮。禪燈分外蓮峰照。支遁纓幢聳碧空。

徐汧

○輓許玉重

禍纏霄極帝星微。龍馭蒼皇去不歸。漢殿衣冠渾欲掃。

函京鐘簋已全非。人輕李萼師誰借。邑列王生義庶幾。瞻拜鼎湖因北首。朝朝應見素魂飛。

○恭遇烈皇帝聖誕哀感賦

灑淚先皇似向隅。吞聲豈忍憶高呼。衣冠此日趨南闕。玉帛何年會冀都。聖主哀思應避殿。微臣隱忍尚全軀。亦知佐命悲歡異。還記今朝令節無。

○又

珍饌精饌賜講筵。每逢聖節主恩偏。十章書未陳金鑑。九逝魂猶戀細旂。社稷風雲仍世世。園陵霜露自年年。

史臣珥筆應書葬。玉匣珠襦不忍傳。

項煜

○龍湫

名象思惟宵莫尋。拔天宰地極高沉。水含萬古鴻濛色。龍漏孤峰霹靂音。日月光窮憑石黑。風烟氣盡逼潭深。

幽巖

當年冥坐初非雨。寂寂喧喧一點心。

結說理反涉套

○白溝曉渡

殘月知寒不敢濃。飛埃畏曉暫從容。燈光馬首驚烟鷺。冰點騶鬚學雪松。客劇轉安能續夢。僧閑亦起恰聞鐘。

朦朧小有冬山色。正是墩臺不是峰。

全是天機意想似
懶似老別一風光

○送劉退庵宮諭歸省

舊國春江一徑通。仙官歸路萬花紅。干戈塵辟紗籠外。詩卷相隨繡鷁東。學士醉歌天子賜。恭人勞慰大夫忠。沙堤築就來母晚。殘夜疎星待曉風。

李模

○贈薛虞卿先生

澄澄物表肅前趨。餐沐遙風嘆莫踰。汰去塵沙金作面。

燕多煙雪玉凝膚。著書靜氣如空谷。適性高吟異槁梧。
道滿蜀川終應迹。一樓明月可同孤。

劉曙

○虞卿先生諭蜀歸來閉門論著在贈新咏法書短

章報謝

惠狀風雅不遐遺。摸索如循度尚碑。欲報未成慚授管。
其人斯在想披帷。盤空首宿文爲活。地闢蠶叢道轉夷。
豈獨窮愁名字竝。千秋還問著書誰。

卜遠

○僦居湖上僧樓

借來山閣古雲西。綠剪當門柳萬齊。兩岸精靈于岳墓。
六橋勝地白蘇堤。老僧作賈春開市。高士爲漁夜出溪。
千古銷磨湖一片。錢塘門外水禽啼。

○陳季采同游西湖後余至先余歸且聞故園寇警

賦此贈別

計我來游先汝至。汝先挂帆余未歸。春風春風吹社散。
一日一日遊人稀。聽鳥漸微鶯語澁。看花直到杏仁肥。
更聞離亂難爲別。珍重湖山此落暉。

○登孔子阼臺

孤城寒玉抱清漪，綠粉蒼泥蘚壁詩。廟貌一堂松落落，絃歌千載艸離離。窮當吾道難容日，慍到人情不免時。風雨荒臺照饑色，西山正此餓夫祠。

徐籀

○次韓人穀贈韻

猿臂將軍本父風，獨搏霜鬪向秋空。儂甘上九追陽子，君自無雙謁沛公。書就中原推老將，醉呼北海亦兒童。封侯不礙烟霞相，西食何妨宿又東。

雄風老氣
歷落超羣

周之璵

○謁留侯祠

辟穀先主帝子師，龍攄蛇螫總能奇。藏身無事污田宅，授教寧關進履綦。四百久安前席箸，千秋遺恨副車權。漢庭空熟烹韓鼎，逸翮冥冥孰可羈。

氣雄詞整即使青丘操
觚空同染翰豈能復過

○賀王耕玄自西曹改除侍御

驕驄獵獵羨新除，三載祥刑荷聖知。彈墨甫濃看逐雀，

佩刀初發莫求狸。朝端玉立冰壺在。輦下霜行繡斧持。
謾向螭坳誇五色。清光猶戀白雲司。

許元溥

○北上以詩代別雲子用前韻

君才十倍早年鳴。欲見徒殷室邇情。途別險夷惟信步。
部爭南北甚于兵。鳳麟自感風雲氣。豺虎翻成日月名。
羨爾焚香稱閉戶。花間書帶遶庭生。

張澤

○次界河驛壁詩

一江餘夢影隨行。怯膽生寒道路長。前渡莫迷津。妬婦
舊遊空指驛。思郎紅亭惆悵胭脂瘦。薛壁參差粉墨傷。
不是愁心迸成淚。天涯兒女易霓裳。

○初冬山居折雜花爲供同雨公作

漸看陰雨作衰天。獨坐疎林落葉前。照影久知香在水。
出山猶帶曉來烟。幽妍細潤愁依寒菊三時盡。病寄空齋半
日妍。修淡不堪緣似我。向人飄泊每年年。

○野薔薇與衍波作

叢葉分林黯自芳。露垂繁線酒旗香。堤深舊路招遊馬。

棘剪雙扉護野塘。村景如画狹巷蜂聲三月暮。條桑人影一

春傷。楊花不必驕情性。籬落偏驚共短墻。

○同伯遠聖猶仲長彥哲山中踏雪逢心甫以巽卽

攜酌影閣分得光字

殘雪遙栖遠樹蒼。夕嵐分潤作巖光。靜堤聲入寺邀餘

步。人影如鴉聚晚觴。野飯冷宜齊客屨。山樓閒不異湖

航。虛擬聚散收餘覽。風約猶懷計已荒。

姚宗典

○贈韓茂貽

兩兩弓裘輾轉心。美人遲暮感時深。山川几案雖朝夕。

花木亭臺自古今。信取析薪無仰負。從教著屐遠來尋。

九臯聲動秋林艷。應得同心寓好音。

薛宗廉

○和林和靖深居雜興十首錄二

薛公一見失魁狀。何況逢迎數不鮮。來得兀突半畝林泉山

宛轉。小庭人月竹。嬋娟跣趺念法聽。禽語睥睨。書空拂

篆烟。盤薄自甘消永日。祗緣熟得畏人篇。

○又

潛鱗不餌釣頭腥。飽酌蒼波向北冥。數息靜中觀鼻白。
攢眉世上博眸青。苦空且莫訶初果。解脫應須誦大經。
丈室自容師子座。編籬何必隔門庭。

邵彌

○寄魏叔子

直北城居得好山。雨過塔下水潺潺。故人最憶行吟處。
好我何當一啓關。窓裏濕雲溫酒後。鶴翻輕雪出花間。
春來靜力誰能勘。擬誦新詩夢裏扳。

姚宗昌

○二幢詩

嵯峨法像兩峰中。不是人工應鬼工。說法熾狀非藉口。
現身招爾若爲弓。眼前標指同雙鏡。頂禮慈尊咏十空。
膩滑不留苔蘚濕。何須去翳本無蒙。

朱袞

○贈三昧律師和韻

繇來白業重修薰。嘉子弘慈閔後羣。獨炳心燈傳聖戒。
時翻口海振靈文。六神共轉澄空月。三點孤融妙大雲。
一自茂公停錫後。法筵今日幸重聞。

○雜感

雪恥除兇夢裏看，十年空自誤儒冠。形如敗葉三秋瘁，淚共飛霜六月寒。國士擊衣何壯烈，酒傭懷筑故沉瀾。悲思鶴盡乘軒日，猶記皇華歿報肝。

徐 案

○山居雜懷

離亂傷心憶去年，竄餘身外一青氊。鄉園故老寒風夜，澤國新知細雨年。書帶翠歸盟石草，玉簪香破睡池蓮。無聊獨對窗西晚，難寫羈愁十樣箋。

錢位坤

○山居

鶴軒清怨激晶澄，秀石深花照古藤。江閣迥收天末秀，煙波不動碧山燈。空林騷客如孤鳥，半嶺閒人學定僧。家在湘西多歲月，老看峰洞得頻登。

○送客

驚春雪靜坐松關，幸有紅蘭葉不刪。好鳥南樓催客醉，孤城落日送君還。一簾綠水雲衣動，半雨禪房花氣閒。獨立斜溪聞鶴去，過橋深竹見寒山。

○再渡錢塘陳一臥子馳詩至次韻却寄兼懷王二

雪肝

遷客江湖汗漫情，多君及我剡溪行。生平遊屐隨知己，歲莫鄉心憚遠征。日落衣冠修禊事，風前楊柳故宮城。枉詩百里須珍重，劉白郵筒謫易生。

○歸來

窮鄉渺渺越愁新，綠水萍翻花滿隣。南海樓船連絕國，西風尊酒送歸人。客星辭殿還高臥，大將登壇獨許身。雜隊鶯歌殘嶺下，江湖白髮一波臣。

○過石頭城

南朝事事斷人腸，杜曲啼鶯城柳傷。妾夢溯流回采石，郎帆如馭下襄陽。三春雨墜楊花白，八月風吹枳橘黃。多少景陽井底淚，荒蕪日落哭陳王。

與立詩不多作而蘊藉婉雅言外不盡似有意
文房君平之間不屑作晚唐宋元一語者其官
詞久自單行爲一
時習諷故不更錄

戴之傑

○同貞卿孟如邨中步眺

初迎嘉候得兼晴，約束餘寒趁臘行。人日共來看野色，

天風不斷捲湖聲。語有奇氣斜通古寺雙橋立，冷壓纖枝一

鳥鳴。幽事可無嫌寂寞，江梅明早是春情。

周訥

○登飯石峰

攝心際遠獵奇觀，濕翠黏嵐屐未安。石蛻糝衣看欲飽，
費鐵磨松骨倚來寒。激湍陷日光無定，夾壑分天影不
完。奇句破我十年窓下夢，山風等響落巔峴。

、晤王雙鳧

攜家看山仍閉門，草木紀歲霞朝昏。鶉重猶懸太古結，

蠶高不對王侯捫。激昂青雲執文貴，沉鍊白日性命精神

尊。吾亦能來議真隱，一身未可招遊魂。

、過非兀屋天

世須癡度恰三分，謔浪人嫌我喜聞。偏靜室窺容膝，月
過高墻擁及肩。雲儒冠非昔政堪溺，書籍到今都可焚。
賴有主持風雅在，與君千古契斯文。

、秋泛次石公山看月同非兀天俞羽文諸子

醜酒看山發性靈，擁簫疑立夜龍聽。寒梯怪石剗，願翠
仄竇奇天射眼青。海色欲高雲夾月，湖光四起浪懸星。

松風苦爲留殘醉，小躡飛梁人杳冥。

元魯曠秀李才江一流人也其佳處亦在煉與響不止僻仄爲奇若夫僻仄不成文與平熟無痛癢其弊亦正等耳或疑予過采新異頗傷大雅不知世所云大雅直是陳腐耳即談格調亦豈知真格調哉與其爲僞大雅寧爲真僻仄又况本非僻仄者乎

附句 同友飲月莫釐峰絕頂擲身磅礪頰層
唯松撼虬龍雨易消捫碧兩肱天恕躃跂青雙
趾石嫌驕 無事不妨浮在世有愁只合寄還
天 影國詩木高于地難爲月山遠疑天好作
雲 太湖秋泛黑蛟蟠渚夜何靜白雁叫霜秋
滿空 阜峰謁履冰師靜對柏岩三面紫坐分
苔石一
身青

毀衡

○春日有懷錢復貞朱閔風二丈

幾日餘寒麥秀風，泥深陌上落花紅。夢中烏鵲橋南路，

詩裏青峰江上山研翁。老去文章爲佛事，身前藥味草

得圓通。坐來曾作三人笑，踏遍城隅恨不同。

又飛殘蛺蝶鉛猶重立軟
蜻蜓翅亦低亦有風致

葉襄

○秋懷

西風蕭瑟暮烟蒼，迢遞征鴻帶夕陽。地雜邊沙吹鼓角，
城連荒草散牛羊。周原禾黍悲京室，汾曲樓船憶武皇。

南望寢陵雲樹黯，茫茫何處獻裘裳。周禮季秋獻功裘供王祀

絕有風格信陽集中出色之作

徐枋

○經桃源

城下濤聲怒未馴，千家鱗櫛見重圍。圖南鵬翼行難息，直北龍門勢愈尊。地有黃麻多織屨，時經青女但吹幽。攬風茲土還餘古，父老應能說避秦。

徐增

○夢中春泛得人牽錦纜一聯醒足成之

夾岸山光若翠圍，晚晴樓閣半依微。人牽錦纜連花去，身浴芳洲帶水飛。十里歌聲烟外動，一羣蝶影柳邊迷。夢中每自饒行樂，却愧春明掩竹扉。

杭蕢

○酬友人見懷

連林蕭瑟不成春，無賴輕陰更浹旬。雨足板橋頻礙楫，酒香山市每留人。已同子羽空頭腦，不羨君卿有舌唇。真愧新聲漫相寄，老懷零落敢重陳。

林

○詠紅樹

越殿烟消輦路荒，疎林猶帶舊宮粧。
千年碼碯爲仙枕，五尺珊瑚是筆床。
故向素秋飛絳雪，翻從白晝下玄霜。
分明曲水桃花岸，列坐何當泛羽觴。

郭陶

○橘花

聞道西京孝武年，蓬萊珍獻重湘川。
種移越地千家樹，開遍繁花萬頃田。
北徙自彫枝綴玉，東來欲醉雪如烟。
木奴名貴香堪把，余亦龍洲興逸朕。

朱陵

○初夏訪岫雲虎丘

薄烟輕靄翠微中，夏木陰森寺角紅。
花市欲闌榆岸雨，麥天新暖柳塘風。
山因舊寓僧相識，遊得居人勝始窮。
遊山真訣塔影當牕松竹亂，坐聞鐘磬佛龕東。

○冬日舟中

蒹葭一望港三叉，遙認農家去路斜。
舟興小溪過蟹籬，屋頽高岸露牛車。
霜輕隄柳猶留葉，氣暖村桃略放花。
平野蕭條聊極目，遠天寒影散羣鴉。

○觀以米作字

體勢爭奇轉運中，數行頃刻羨玲瓏。太平萬歲當筵舞，病已公孫食葉蟲。長史髮書應比妙，中郎飛白欲齊工。却疑蒼頡開文字，雨粟天資結撰功。

許納陛

○贈李小有先生

迎來筇杖比荀香，握手情深與未央。孤劍凌雲踈世法，新言鏤玉滿奚囊。寫得通肖磯頭冷月澄秋水，樹裡荒烟蓋石床。拂塵揮玄通九畹，不知心醉在仙鄉。結亦悠然

○其二

何緣茅舍接籃輿，小坐談心供野蔬。欲識維摩禪是疾，須知休伯道兼書。婉綽多風欬歔世事堪焚筆，感慨人情幾拂裾。自是與君聯夙好，醉吟江上釣神魚。

二作精秀絕倫汰盡時習獨存真朴誠盛唐嫡派也

○九日社集二首錄一

偶拋愁思強登臺，有情菊映芳尊晚漸開。淡月痕依林瘦，悽上鴻語泣雲哀。感時同負參軍興，研句殊慚靖節才。相對莫忘今日會，他年知有白衣來。低徊不已

少陵得意之筆其起
伏更覺遒勁

○咏舟中燕巢

怪爾翩翩水一方。為辭王謝遠雕梁。檣維桡岸身堪
寄壘。楫芹沉喙亦香。月落半川隨夢渡。風生五兩帶
愁翔。呢喃謾憶當年事。聒上樓空鎖夕陽。流連盡致

鍊局鍊句悠然有言外之神元
錫著述最富如此作尤為秀絕

補遺

徐人英一首

江表一首

徐人英

○石筍屏

如仙掌如蓮葉又稱文筆狀元峯

峩峩數疊倚樓臺。翠竹青蘿四面來。巨擘何年仙掌峙。
層蓮幾度法華開。文壇欲捉擎天筆。佛界堪持度衆梳。
一徑奇巒穿不盡。還將踪跡夢中猜。了無熟徑

江表

○端午病中苦雨



、应为 2/27

佳節年來興不孤。空林積雨但荒蕪。病中佞佛香三炷。愁裏看花酒一壺。自咲風塵爲浪子。誰憐故態尚狂奴。良朋尺素頻來往。念我家貧擔石無。

似樂天

明詩平論 二集卷十七

五排

曹學佺一首	葛一龍一首
錢謙益一首	沈德符一首
鍾惺二首	譚元春一首
方以智一首	黃景昉一首
蔡維寧一首	季孟蓮一首
陳子龍一首	華淑一首
項煜一首	張燮一首
自肩一首	聯句一首

七排

王思任一首	錢謙益一首
鍾惺一首	陳函輝一首

曹學佺

○遇甬東太守吳季騶訂普陀之遊

故人方領郡，五馬去驂驪。季子聲名遠，吳公治行堪。樓昏時見旭，市曉未開嵐。石竇千花出，湖光兩曜含。禁庭移桂密，仙墨灑桃酣。皓隱商聞一，臣謀越用三。鮑郎空納履，賀監已抽簪。象教應棲島，鯨音忽沸潭。育王湧塔上，大士落迦南。欲究無生法，還從禮佛龕。

葛一龍

○甘露寺

坤靈用不慳，勝處着江山。此有若僧待，我遊成老頑。龍宮鐵塔下，麟塚玉浮間。五月風秋氣，千櫓日暮灣。蘆青將岸去，雲濕弄潮還。石爛唐人字，岡雄楚客關。褰裳卽壺嶠，分服帶荆蠻。殿背螺雙髻，樓窺豹幾斑。庾塵那得到，謝塵竟須闕。松堰飛蒼鼠，花籠放白鷗。亦知城近遠，烟火自人寰。

錢謙益

○王師

六月王師捷，東方息鼓鼙。潢池皆赤子，京觀卽黔黎。割剝緣肌盡，誅求到骨齊。相將持楫艇，只似把鋤犁。大將

兵符集中原戰馬嘶。可怜禽狗鼠。還與戮鯨鯢。兔已無
餘窟。羊偏畏觸羝。偵猶煩地穴。攻亦舞衝梯。賊縛加鈎
索。師還布蒺藜。塹溝填老弱。竿槊貫嬰兒。血併流爲谷。
屍分踏作谿。殘膏腥竈井。枯骸挂棠梨。處處懸人腊。家
家占鬼妻。虎。饑。俵。亦。泣。人。立。豕。能。啼。穴。頸。同。蒿。艾。割。腸
見草。梯。旋。風。來。凜。凜。哭。鬼。去。淒。淒。虛。市。稀。烟。突。鄉。隣。斷
犬。雞。暗。行。燐。自。炤。春。作。醬。成。泥。兵。候。天。尤。慘。荒。郊。日。易
低。停車。心。悄悄。不寐。夜。棲。棲。廟。算。紆。籌。策。王。功。費。品。題。
豐。碑。並。崇。廟。轟。轟。夕。陽。西。

沈德符

○葺敝圃卽事

堂寫盧鴻一池疏。謝永嘉。穿幽通窸窣。理穢出槎枒。樹
表蒼官宅。巢營白鳥家。杞深藏吠犬。藤偉臥修蛇。執菊
求甘谷。尊松汰管邪。息陰交讓木。妮古典刑花。鍾乳波
中芡。崑崙譜外瓜。剝苔千石髮。剖蕨一拳牙。菱熟湖年
稔。菰收困色華。樵蹤安枳棘。釣意貸魚蝦。事果營無益。
生堪悅有涯。忘言師靖節。并不道桑麻。

鍾惺

○舟次喜康虞先寄載酒醯諸口物到戲爲六韻
行行望意氣。果以庶珍從。許我分三月。知君計一冬。倉
曹方步送。驛使有舟容。製蓄功非易。緘題禮必恭。挈餅
親檢校。染鼎快遭逢。朝飽誰能待。今宵試佐饔。

○恭謁闕里

聖道求斯在。人情敬所居。瞻依專有屬。登覽又其餘。夷
夏爭相效。賢愚耻自疎。面顏開嶽瀆。衣履示圖書。檜楫
知何已。風霜想厥初。山頽翻更壽。宅壞竟難墟。帝力司
呵護。神工職掃除。威儀王備物。請問素焉如。

譚元春

○承郡使君葉公玉壺徵及近狀寄謝十二韻

一從山澤好。邛友渡邊呼。敢謂勝情有。自知長策無。驚
魚聞罟急。閃鳥見林趨。迺雨雨盈野。放雲雲過湖。使君
頻致惜。長者自當殊。訪道黃兼老。留心狗與屠。謁寧煩
草芥。問卽寵菰蘆。清靜真能載。形骸安肯拘。已無裾可
曳。幸此杖相扶。白社慙前輩。青溪似小姑。如泡終幻化。
惟谷且躊躇。知已腸猶在。難言性太孤。

方以智

○○酬茅將軍

年少西吳出名成。北闕聞下帷。稱學者。上馬卽將軍。手
指青規日。心披紫塞雲。伍符遵八伐。載籍攻三墳。插筆
持前盾。揚旗擊大鼓。柱冠皆震慄。橋履舊殷勤。白社嘗
千座。黃金賜萬斤。筮籌詳虜計。板露靖妖氛。兕甲觀麟
閣。鸞鈴試鶴羣。詩題多俠客。書就獻明君。兒戲輕言武。
官常竟舞文。世途難避棘。時好不同薰。餘策生民歎。殘
家歿士分。浩氣干雲東門瓜爛慢。南海瘴氣氲。安用縣銅印。
還能草練裙。朝廷繁議論。江漢正紛紜。近市求朝卜。臨

樓想暮醺。鄉山新夢斷。兵火故園焚。邛杖留雙徑。鉛刀
割一片。拾簪酬編帶。被褐愧玄纁。舌在何妨病。卿來是
以欣。桂叢風淅淅。椒佩夜芬芬。促膝龍泉影。回頭雁字
紋。皂囊從汝穎。經席笑河汾。莫怨長流寓。行看立異勳。
知余原落落。向爾復云云。

黃景昉

○○南陽東七里爲臥龍崗。諸葛忠武侯草廬在焉。遺
像歸狀慨題二十韻

恭謁清高像。襄南兩度看。風雲緣傅築。溪壑異嚴灘。莫

辨鳥誰止。○總知龍所蟠。墓猶連古冶。居頗負崇巒。三顧
思疇昔。○六飛扈永安。桓靈身痛恨。荆益事艱難。火適逢
薪盡。棋無奈。子單開。誠庸禕。琬益智。寫申韓。鼎足基麤
定。秤心嘔。易乾才高兵。厭詭國小政。懲寬忽忽歌。梁父
森森樹錦官。悲來原五丈。望去嶺千盤。未少棲真谷。何
勞拜將壇。蛤蛙銅鑄鼓。牛馬木傳餐。膝可終朝抱。書惟
大略觀。佳兒生太慧。嫫媿德相歡。誰令馳驅許。居然涕
淚端。微衷天日鑒。往蹟雪霜溥。曲筆癡陳壽。甘心帝魏
瞞。忍窺祠下井。嗚咽至今寒。

蔡維寧

○送家叔祖君仲奉敕備潯州

咏武侯多矣警切悲壯無如此作
子瞻以古太穉以排對峙千秋矣

草綠燕山雪。沙黃雁鄉天。君恩多日處。驛路晚風前。制
遠崇專勅。承巖寵賜筵。百夫堪作長。萬里敢言邊。至治
銷兵燧。先聲走瘴烟。地蠻無落葉。水跼有腥鳶。列衛千
峰正。占農二氣偏。家看新笋候。疏草敝裘年。別馬仍分
策。同衣久讓綿。拜車憐滯跡。枕劔想漁船。

季孟蓮

○清虛真人

赤城遊與食。浩汗費清澄。馭日行無影。梯空目礙稜。田
芝鋤散劣。石髓嚼晶凝。鶴片銀河痕。去衣鱗玉井水。怪
禽翔董杏。精魅護丁藤。髓洗空青脫。瘡侵臭穢蒸。周公
千歲笏。漢武九華燈。金籙朱泥字。丹臺玉刻層。隙中吹
野馬。天背撫雲鵬。遙赴青君會。歛從絳闕昇。

陳子龍

○吳越武肅王祠

草草羣雄事紛紛。割據年。斗牛占王氣。屠販出豪賢。

屈孫劉勢。形支江海邊。爪牙多健勇。參佐集神仙。本奉
中原朔。時分屬國天。錦城開邸第。大木擁旌旃。受冊三
樓上。歌風駟馬前。自從納土後。終見舉宗遷。青蓋方朝
洛。丹書改賜田。金輿何日去。玉椀不曾還。守墓新恩重。
荒祠舊德傳。冕旒皆壯麗。子姓侍綿聯。晚樹騰鼯鼠。虛
簷響杜鵑。崇功銘版碣。遺恨滿山川。異代還祠廟。當年
入管絃。竇融應貴寵。張軌共周旋。錫禮何妨盛。王侯豈
易捐。誰言脫屣便。不見誓書堅。宋室諸陵在。南枝更可
憐。

華淑

○藏菊

巡影幽無盡，難爲欲謝時。餘英殘可戀，越候久當移。憔悴違雕檻，積唐遠素籜。遽摧還惋惋，欲委更遲遲。斟酌情能到，經營地所宜。畦邊潛氣色，簷角表恩思。掃拭僮分苦，擎拏衆透迤。類收仍辨色，分貯獨標奇。藉草遮應把，塵勿虧。周防求妥貼，安放或參差。弱橘借包裹，手稍妨惟凍雨。最暱是晨曦，屬意難偏及。含平平正助，只略略燠寒知。蚓伏倪全蟄，虫規

隙暗絲。未須悲晚節，幸好蘊芳姿。墜露承虛藁，只墜籬。慙衰情更重，禦冷法無遺。土埵驚烏啄，泥堦折竹垂。遙心同向歛，微訣更相咨。改歲春風到，先看翠葉披。

項煜

○幽居

稍節

挂衲下南州，扃廬事事幽。寶簪招燕子，瑤瑟感龍湫。菱宵難停棹，堤賒自怯游。江籬添紫翠，簑雨滴池漚。遣鹿棲松影，因槐疊石樓。圖成充案左，瓢老貯床頭。偃蹇拈碁睡，蹉跎覽帙休。無忘佳友諾，未免遜翁求。

又寶瑟閨中夜晶
屏月下人亦有致

張燮

○過孟嘗君養士處

伊昔雄風集。經今爽氣懸。高門兒五日。幸舍客三千。骨
朽芬難沒。庭虛義尚傳。貧知焚券日。報以出關年。嘆世
帝因鬼。加人膝墮淵。大魚聊自爾。吠犬竟誰憐。燕雀空
山外。烟雲古道邊。停車重回首。憶汝故魁狀。

釋自肩

○游天洞

剝古諸峰秀。山名百代懸。奧衷宜有洞。幽閔豈無天。嶮
入猿相臂。深垂馬及鞭。薜函雲未啓。琴挾客思眠。霽曉
松杉雨。冷晨竇壑泉。春容堪雜坐。逼塞恨難前。挂衲吾
期老。磨厓孰見傳。穴清通杳渺。剝碧洩虛玄。一嘯宜避
字空靈答長吟。內外連。遊洞真景于鵠秦越人洞詩地
響知遠鐘似猶遜此語超妙
仙都誰欲問。將此證青蓮。

華淑呂自咸黃傳祖黃芝

○以巽贈聞修小石篆章諸子詠焉

蘭音相荷久。瓊玖報清歡。出袖一函小。貽章片笱寒。淑

追摹良得意。急就反飛翰。自結構剗鋒穩。蜿蜒入想難。

傳砂心填翠綠。虫竅蛀琅玕。淑籀篆毫端剔。螭虬指面

蟠。芝波疑分古榻。稜更愛微刃。自銖兩管能稱。青藍派

不奸。傳雷文截牛角。鬼譯劇奇癡。淑鐵管剗寒碧。瑤床

浸渥丹。傳鹿鈺諳蠹字。龍穗漲新瀾。傳拂拭堅姿溢。摩

娑古意殫。芝筆適非恃瘦。隸樸乍疑胖。俗借偏傍溷。譌

釐正側完。傳臨箋同蚪玩。拈指映螺看。自盟戀三年遠。

酬惟一夕寬。譜搜時罕儷。裁贈待吟安。淑

鬼鍊神鏡
追踪韓孟

七排

王思任

○送馬仲臺之官南雍

一官雀隱半居田。蓋代龍門却斗懸。霖雨出山先海國。

春風到越尚歌絃。河陽花下人桃李。巖壑齋頭吏偃佺。

阮屐風流尋勝處。潘輿晝永賦閒邊。赤文洞老勞讐字。

啓事山公忽簡宣。共賀先生稱國子。更難博士起秦年。

淮波月泛鷄鳴寺。荀轎香停燕子船。製肅玄端冠切漢。

佩寒蒼水玉于闐。桓榮不獨誇稽古。賈傳應能在議前。

首循緣長將釋菜。鳳鸞味傲豈思臚。清通自古非凡骨。典要於今必仔肩。無恙故人如見問。主臣鈞碣未須憐。

錢謙益

○履之弟見示四十自序詩依韻和答

吾家群從凋傷日。如爾伶仃信可憐。慈母艱貞宜有後。孤童刻勵更誰先。風儀鵠立衣冠美。堂宇鵬飛里巷傳。祿以代耕仍舊業。婚而不宦亦前緣。焚香掃地那容唾。潑墨書裙詎忍前。每聽風聲常墜戶。偶觀雲色爲占田。愁潘瘦沈看君似。怨李恩牛笑我肤。靜坐自諳調馬法。

間庭小試鬪雞篇。三分瑁璫寧非福。一室團樂已是禪。濁酒過牆欣共醉。清宵襍被抵同眠。山青水綠中吳地。麥秀鶯啼半夏天。弟勸兄酬莫虛度。從今排日慶餘年。

鍾惺

○徐元歎再至金陵過訪將歸吳門送之

已非碌碌舊吳蒙。神宇今番又不同。愛我門庭仍似水。看君衫袖欲從風。爲期珍重冬春後。相晤蹉跎花鳥終。每夜坐皆邀好月。兩年來必植新桐。主賓蔬茗高人福。語默冰霜靜者衷。生歿到時思善友。倡酬忘處見名通。

覲顏翻作難遭想。刮日常生屢別中。但使重逢各精進。
莫悲岐路暫西東。

陳函輝

○壽陳白庵郡尊。重九後一日初度。

春臺登處見秋光。昨日重陽已貯觴。節後風流思醉白。
朝端恩數報徵黃。寬條比屋華胥近。吹律臨風兌德長。
九畹滋蘭培士氣。百嘉盈稼飽農箱。扶桑日下懸弧彩。
杓斗聲中聽履忙。送酒麴街容散吏。題糕彩句續仙郎。
九華結實貽彭祖。三壽稱詩說魯臧。晴色滿城叅佐集。

山公方在習池傍。

補遺

徐波一首

徐波

○瞻禮天宮寺善財云。是唐塑長尺二寸。

東城留古像。西日訪仁祠。事蹟徵殘衲。因緣捫斷碑。樓
開彈指頃。相好化人爲。本色童真妙。嚴身瓔珞隨。盡形
惟合掌。迎笑在披帷。面面看生動。人人欲抱持。性靈龕
室滿。國土艸鞋知。善應將來夢。傳聞過所期。已勝名手

回敢訝法身卑。今日焚香禮。它年把臂時。

本色到家不濃不
淡妙正在阿堵中

明詩平論

二集卷十八

五絕

李維禎一首

王思任二首

鄒迪光一首

吳鼎芳一首

茅元儀一首

潘一桂四首

釋明河一首

錢繼章一首

方以智十首

舒忠謙七首

呂陽二首

戴國士一首

杜濬一首

周聖楷一首

陳繼儒十三首

高攀龍四首

周祝一首

葛一龍二首

文震亨一首

譚元春一首

釋讀徹一首

陳名夏二首

吳偉業二首

孫臨二首

譚元亮一首

程遂一首

吳德操一首

左國林一首

孫永祚四首
黎遂球一首
楊補二首
黃樞臣二首

蔣韋一首
劉廣一首
楊廷禎一首
徐增一首

六言

程嘉燧二首
方以智一首
曹爾堪一首
陳宗之一首

陳繼儒五首
金堡四首
胡梅六首

李維禎

○四皓廟

本是朝飛雉，更名作野雞。四人成羽翼，怨憑向晨啼。

陳繼儒

○贈無瑕上人

寶劍繡不飛，化作長虹影。霜月照禪床，何如鐵衣冷。

○飲惠泉有感

陸羽竹爐寒，清泉氣若蘭。如何出山後，便作下流看。

○雪夜

一斗紫醪酥，百石葡萄酒。粉面裹貂瑜，琵琶不停手。

○山居夜望

兒童逐白鷗，轉入松蘿影。夜深不歸來，月照葛洪井。

○春雨

乃城公古詩首四
可為眉公作誤
見香樹草記卷
西辰下十六日記

春江欲入戶，雨勢來不已。小屋如漁舟，濛濛水雲裏。

○山居

春陰壓杏花，欲落猶未落。翠羽兩三聲，飛上秋千索。

、又

婆娑古尊壘，結縛小溪屋。山深誰叩門，乃是新生鹿。

○題畫

孤嶼俯春江，天青浪花冷。石竇小如錢，窺見飛帆影。

○艷曲

羅幃少風來，流蘇轉不歇。春猫滾繡鞋，鞋瘦如新月。

○天目盆松

此松天目孫，差我類其祖。中頂秀擎雲，猶堪坐巢父。

○解語花

喚妾解語花，妾小不解語。所以君王前，常呼爾與汝。

○望鄉臺

登臺望故鄉，空慚氣如虎。祖老不封侯，孫敗為降虜。

○月下登金山

江平秋萬里，山靜月三更。彷彿寒烟外，瓜州有雁聲。

却是
唐調

王思任

○登大尖

青天剪六尺，紫海蹴千濤。戰敗俱投甲，胡旋拜大旄。

○鳴瀑澗

一買石梁布，再買龍湫柱。洗耳獨怡然，轟銀喧雪處。

高攀龍

○靜坐

有事故應事，事了原無事。若起厭事心，如何了得事。

○又

有事與無事，常通爲一事。無事實有事，故名爲一事。

○又

其實無一事，只有一大事。大事苟未明，如何說無事。

○又

欲明一大事，勿放過一事。事事都是了，方知本無事。

六祖壇經于諸典中最爲警捷讀先生四偈又不須讀壇經矣可與艮卦爻詞參看

鄒迪光

○估客樂

一錢不肯用，千錢不惜費。計利在生涯，揮金在遊戲。

說出此輩行。逕與草臣吳豪行。干錢買牛羊。一錢買糠粃。同一痛快。

周祝

○釣月

花溪谿色古。水冷月痕青。

奇景從未拈出

夜靜垂綸坐。無人識

宗室

吳鼎芳

○松下

松根酒一瓶。月下人兩箇。月落酒瓶空。自枕松根臥。

葛一龍

○山行

前山白雲起。忽復失其處。却看過來人。曾與雲相遇。

、隣人送菜

纔見雨中青。又當霜後熟。隣叟舍腰鎌。即手還為予

束。

茅元儀

○送興公渡海隱支提山

祇道深山淺。翩然渡海行。海窮山復見。深淺幾能平。

文震亨

○香櫟屋

香不帶花氣。果中無是奇。採青原有意。枝重不勝垂。

潘一桂

○燕子磯

危磯如怪雲。

只五字已盡形容

離羣獨孤出。禹功不及施。驚湍

下千尺。

○溪行雜咏

四十四首錄三

水淺魚梁出。沙晴鳥跡明。羣峰相揖讓。送客出江城。

又

山遠草木豪。水安鷗鷺靜。一石如醉漁。臨流濯清聽。

○又

已斷樵牧途。但織狐兔跡。木末叱牛聲。耕犁在山脊。

譚元春

○忽憶

小姬未解事。一拙係予思。不避堂前婦。問予歸幾時。

形小姬駭稚却影出君婦妬意如何

釋明河

○月明鐘

一百首錄二

久雨逢晴日，神情自躍狀。掃階除亂石，飛出一枝泉。

○又

擊碎筵篔簹，君王自躁心。淺音猶自失，何況伯牙

琴

釋讀徹

○謝君采石間像

僻性存詩篇，為官負酒錢。人間無處著，好放石頭邊。

錢繼章

方博士

骨朽名始方烈，瓶空道不貧。一身能夠主，十族不隨人。

陳名夏

○微山鳳凰臺

白下題詩處，風流擅鳳臺。微山名亦著，或者謫仙來。

將無作有
筆情幻動

○白香山寄微之

偶狀開一帙，二十二郎書。風雨懷人路，江州淚有餘。

方以智

○季子黑貂裘

鄉里不足驕，聊以傲兄嫂。人生重勢位，車裂何妨早。

主父鼎食
鼎烹之激

○范叔綈袍

報怨亦勞勞，何須殺爾曹。歿生皆自我，豪傑原不為綈袍。

袍。

、高漸離筑

歿可謝荆軻，其如不中何。可憐燕市裏，今不敢孰敢悲歌。

歌。

、子房椎

壯士誠難得，不中復不歿。此時避何地，方當從赤松

子。

○管幼安木榻

出門看車騎，割席遂獨臥。似此五十年，子魚豈能坐。

、李太白鞞

題詩傲天子重九當時果狀笑公醉，若欲作高官，豈可應

辱宦寺

○王摩詰鬱輪袍

男兒欲逢時，何事不可作。我亦填新詞，悔不學輕薄。

不諱妙正
見憤激

○酒樓贈燕人

燕客善彈箏，悲歌舊有名。近來離別易，不長斷腸聲。

心酸
口硬

、上客謠

對客但言冗，呼童速駕車。昨宵都尉飲，明日五侯家。

、又

日有長安信，諸公附耳言。袖中藏密札，得自小黃門。

吳偉業

○子夜詞

憶歡教儂書，少小推無力。別郎欲郎憐，修箋自雕飾。

○又

夜涼入空房，侍婢代除粧。枕前鈎不下，知未解衣裳。

舒忠讜

、評字

曹娥樂毅帖，忠孝規所造。却怪朱新安，作字師曹操。

○鴻門玉斗

示玦亦太拙，舞劍亦可怪。何如將玉斗，多酌勸樊噲。

○習家池

山公已酪酊，接羅從倒載。晉室好清言，糟風亦一代。
○玉鏡臺

問奴披紗時，將母堪噓作。問奴絕裾時，將母堪淚落。

○寓青樓，喬偏有所憶，彷彿鳳洲以世說傳之。六首錄二

貲郎亦卿秩，驃騎多狗屠。不容置此輩，何以爲京都。

○又

鼻者面之山，目者面之淵。近來工刻削，位置都不狀。

○飲杜康泉

陸羽茶經水，年來已半嘗。如何泉底味，今古帶糟香。

孫臨

○俠士歌

白驥賽秋霜，烏弓如楚鐵。尊前磨寶刀，洗盡仇家血。

○少年行

春堤花草暗，馬上鹿盧新。堪笑長安客，有錢不作人。

呂陽

○越游紀勝

二十三首錄二

瀟洲傳妙藥，鼉鼠亦飛仙。願浴龍須菜，食英味太玄。

○又

大道吾無隱。芳心是藥田。吹香亭上宿。仙侶一鑪烟。
譚元亮

○江上吟

山雪久凝結。視如下一。上片天。古松蒼在內。只似雪中烟。

戴國士

○新淦

聞有小廬山。飛來伴紫淦。山靈懶出雲。烟水自濃澹。
程遠

○自題畫

雲逸山光活。林杲壑氣涼。草邊新雨失。流水一灣香。

杜濬

○祖士雅

胡籬非腐儒。又復非名士。此間對局人。獨有祖家子。

○張巡 其二

觀士觀其敗。觀玉觀其碎。玉碎必有光。士敗必有氣。

○蘇子瞻

堂堂復堂堂。子瞻出峨眉。幼讀范滂傳。晚和淵明詩。

略盡
生平

吳德操

○宮詞

翠縷重重結。輕風太液來。漢宮新冊立。早築避風臺。

周聖楷

○到家

豈有遠行人。到家心苑結。本是戀鄉人。怕作還鄉客。

本近鄉情更怯。來情真
雖再提唱不覺其陳

左國林

○宮詞

支給買花錢。宮人近數千。唱名羞不語。走過御床前。

孫永祚

○○咏史四首

博浪椎方索。蓬萊使又行。副車如未。不誤何藥獨長生。

○又

置酒未央殿。功臣半就烹。自知天子貴。不復罵儒生。

○又

東封泰山石。北上單于臺。欲問通仙路。相梁前夜灾。

○又

車駕征遠去，江都柳色濃。迷樓成一炬，何處更留儂。

蔣偉

、瀑布

飛泉本不勞，觀者代之力。夕坐心與朕，晴天舞空雪。

黎遂球

○○沒字碑

故是秦皇字，焚書誥一篇。李斯先腹誅，翻案嶧山巔。

劉廣

○題畫白兔葡萄

不受嫦娥管，由他月影孤。潛身乞玉母，分取草龍珠。

楊補

○滴水巖

窮巖泉失道，龍雨怒難移。一點下百尺，千聲無了時。

楊廷楨

○憶舊

一別六春秋，忽來夢中語。語半天似明，床頭落酸雨。

黃樞臣

○咏史

張華

高山科斗書，乃是顯陵冊。必問東廣徵，何以云博物。

○又

王戎

聖人貴名教，老莊明自狀。田園徧天下，猶將李核鑽。

徐增

○曉發

老霜積荒舟，客子遊心冷。雞咽水村西，漁燈連日影。

六言

程嘉燧

○江雪

亂眼江雲飄忽，照心山雪徘徊。漁舟遲客不發，野廟無人自開。

○又

立馬嘶寒斷渡，居人乞火沿村。十步雪迷津閣，半空濤殷山門。

陳繼儒

○題雲山

雨過石生五色，雲度山餘數層。昔有炊烟出樹中，多處

士高僧。

客至

瀟灑侯多編戶。清涼國有吾廬。忽覩快風快雨。恰逢異人異書。

○山中

燕子飛來枕上。荷花開到橋西。新涼幾番客至。永日不住鷄啼。

又

數峰黛色眉青。一道霞光髯紫。挈御風人同行。尋偃月

子到此。

○又

烈士不令人疑。賢者養其身待。吹簫伍相有心。搥鼓彌衡無賴。

方以智

○戲作

此生休待知音。雙劍三杯一琴。莫謂長安易到。看人用盡黃金。

金堡

○六言

二十首限花
沙韵錄四

十萬殺人草菅。麴犧功德河沙。梁武城中少蜜。如來鉢內無花。

○又

護着食羊破菜。防他吐飯留沙。飛麥忽狀化蝶。不教五穀開花。

又

欲到天涯索對。拚來水底懷沙。烈士豈貪口腹。龍舟蕩盡漚花。

○又

千佛銷光画血。五經掃地飛沙。內史有花在面。六郎有面如花。

曹爾堪

○漫題

小鳥輕于柳葉。新鵝白似楊花。一點菱秧出水。半灣蒲鏃侵沙。

胡梅

○無題

鬢玉柳鱗牽翠簾，犀桃綬窺紅身在。鴛鴦社裡名留繼，
繆司中。

○又

高下奇花藏戶，逶迤修竹迷廊。娉婷旣言有市，溫柔安
得無鄉。

○又

翠羽雙蛾倒暈，紅潮兩頰凝酥。節度一軍驚視使，君五
馬踟躕。

○又

方繡領間鳳子，圓璫耳上花兒。豈見飛瓊總角，已知弄
玉將筭。

○賣藥閒吟

床對蜂房小小，書連燕壘高高。仰看兩崖竹樹，遠拋三
徑蓬蒿。童斲一條曲杖，僧貽百衲方袍。

○又

鳥立山坡牛角，蟻啣籬落花鬚。雨過沙紋成籀，潭清雲
白如魚。獨立不知興盡，枯吟直至更餘。

陳宗之

歸思

清淮翠鬢度春靈，
峇峽紅泉結夏有。
酒自坐魚車，無錢買
衣。鵝炙歌殘一派秋光，
馬上玉人初下。

